

Tum accipit, et tradit eis urceolum vacuum, quem similiter tangere debent, dicens communiter omnibus:

Accipite urceolum, ad suggerendum vinum et aquam in Eucharistiam sanguinis Christi, in nomine Domini. *R.* Amen.

Postea, eis genuflexis permanentibus, Pontifex stans cum mitra versus ad eos, dicit:

Deum Patrem omnipotentem, fratres carissimi, suppliciter deprecemur, ut hos famulos suos bene ✠ dicere dignetur in ordine Acolythorum; quatenus lumen visibile manibus praeferentes, lumen quoque spirituale moribus praebeant: adjuvante Domino nostro Jesu Christo, qui cum eo et Spiritu sancto vivit, et regnat Deus, per omnia saecula saeculorum. *R.* Amen.

Tum Pontifex ad altare se convertens, deposita mitra et stans dicit: *Orémus.*

Et ministri: *Flectamus genua. R.* Levate.

Et mox Pontifex conversus ad eosdem genuflexos, dicit:

Domine sancte, Pater omnipotens, aeternae Deus, qui per Jesum Christum, Filium tuum Dominum nostrum, et Apostolos ejus in hunc mundum lumen claritatis tuae misisti, quique ut mortis nostrae antiquum aboleres chirographum, gloriosissimae illum crucis vexillo affigi, ac sanguinem, et aquam ex latere illius pro salute generis humani effluere voluisti, bene ✠ dicere dignare hos famulos tuos in officium Acolythorum; ut ad accendendum lumen Ecclesiae tuae, et ad suggerendum vinum et aquam ad conficiendum sanguinem Christi Filii tui in offerenda Eucharistia, sanctis altaribus tuis fideliter subministrent. Accende, Domine, mentes eorum et corda, ad amorem gratiae tuae; ut illuminati vultu splendoris tui, fideliter tibi in sancta Ecclesia deserviant. Per eundem Christum Dominum nostrum. *R.* Amen.


Orémus.

Domine sancte, Pater omnipotens, aeternae Deus, qui ad Moysen, et Aaron locutus es, ut accenderentur lucernae in tabernaculo testimonii, bene ✠ dicere dignare hos famulos tuos: ut sint Acolythi in Ecclesia tua. Per Christum Dominum nostrum. *R.* Amen.

Orémus.

Omnipotens sempiternae Deus, fons lucis, et origo bonitatis, qui per Jesum Christum Filium tuum, lumen verum, mundum illuminasti, ejusque passionis mysterio redemisti, bene ✠ dicere dignare hos famulos tuos, quos in officium Acolythorum consecramus, poscentes clementiam tuam, ut eorum mentes et lumine scientiae illustres, et pietatis tuae rore irriges; ut ita acceptum ministerium, te auxiliante, peragant, qualiter ad aeternam remunerationem pervenire mereantur. Per eundem Christum Dñm nostrum. *R.* Amen.

Post haec, suggerente Archidiacono, ordinati redeunt ad loca sua.



DE SACRIS ORDINIBUS IN GENERE.



acri, et majores Ordines sunt Subdiaconatus, Diaconatus, et Presbyteratus, ad quos ordinati omnes debent communicare, ideo parentur pro eorum numero hostiae parvae consecrandae.

DE ORDINATIONE SUBDIACONI.

Pro ordinatione Subdiaconorum parentur Calix vacuus, cum Patena superposita, Urceoli cum manutergio, et liber Epistolarum.



colythi ordinatis, Pontifex reassumpta mitra, accedit ad sedem suam, vel ad faldistorium in cornu Epistolae, ubi sedens cum mitra, oblato sibi libro, et candela, legit quartum Graduale, vel quartum Alleluja, si sint infra Octavam Pentecostes. Interim a choro cantatur ipsum Graduale, vel Alleluja. Quo finito, surgit Pontifex, deposita mitra, et versus ad altare cantat quintam Collectam.

Tum sedet, reassumpta mitra, et cantatur quinta Lectio. Interim accedunt duo Capellani cum libro, et candela ante Pontificem, qui ex eo legit Lectionem ipsam. Quibus dictis, Pontifex revertitur ad sedem suam, ante medium altaris; et Archidiaconus versus ad ordinandos, dicit:

Accedant qui ordinandi sunt Subdiaconi.

Et Notarius unumquemque illorum vocat, dicens:

N. ad titulum Ecclesiae *N.*

N. ad titulum patrimonii sui.

Frater *N.* professus ordinis *N.* ad titulum paupertatis.

Et sic de aliis: et quilibet vocatus dicit: *Adsum*, et accedit versus Episcopum.

Debet autem quilibet ordinandorum in Subdiaconum indutus esse amictu, non tamen super caput, alba et cingulo, habere manipulum in manu sinistra, tunicellam super brachio sinistro, et candelam in manu dextera.

Omnibus autem in Subdiaconos ordinandis competenti spatio coram Pontifice stantibus, Pontifex cum mitra sedens admonet eos; (nisi omnes sint Religiosi, quia tunc ista admonitio omittitur) dicens:

Filii dilectissimi, ad sacrum Subdiaconatus Ordinem promovendi, iterum atque iterum considerare debetis attente, quod onus hodie ultro appetitis. Hactenus enim liberi estis, licetque vobis pro arbitrio ad saecularia vota transire; quod si hunc Ordinem susceperitis, amplius non licebit a proposito resilire, sed Deo, cui servire, regnare est, perpetuo famulari; et castitatem, illo adjuvante, servare oportebit, atque in Ecclesiae ministerio semper esse mancipatos. Proinde, dum tempus est, cogitate, et, si in sancto proposito perseverare placet, in nomine Domini, huc accedite.

Illis tunc accedentibus, et coram Pontifice genuflexis, Archidiaconus vocat ceteros ordinandos, dicens:

Accedant qui ordinandi sunt Diaconi et Presbyteri.

Quibus accedentibus, Archidiaconus ordinat eos, videlicet, Diaconandos paratos amictu, alba, cingulo, et manipulo, stolam in manu sinistra, dalmaticam super brachium sinistrum, et candelam in manu dextera tenentes, contra cornu Epistolae altaris, faciebus altari versis; et Presbyterandos paratos amictu, alba, cingulo, manipulo, stola in modum Diaconi, planetam super brachium sinistrum, mappulam albam manu sinistra, et candelam dextera tenentes contra faciem Pontificis, ac medium altaris, faciebus similiter altari versis. Quibus sic ordinatis Pontifex mitram in capite tenens procumbit super faldistorium, in superiori gradu, sive plano altaris paratum, et omnes ordinandi in locis super tapetia prosternunt se; ministri vero, et alii astantes genuflectunt; et schola inchoat Litanias, choro respondente; vel si officium fiat sine cantu, Pontifex dicit, ministris, et Capellanis respondentibus:

Kýrie eléison.	Sancte Joseph,	ora.
Christe eléison.	Omnes sancti Patriarchae, et Prophetae,	oráte.
Kýrie eléison.	Sancte Petre,	ora.
Christe audi nos.	Sancte Paule,	ora.
Christe exaudi nos.	Sancte Andréa,	ora.
Pater de caelis Deus, miserere nobis.	Sancte Jacobe,	ora.
Fili Redemptor mundi Deus, mis.	Sancte Joannes,	ora.
Spiritus sancte Deus, mis.	Sancte Thoma,	ora.
Sancta Trinitas unus Deus, mis.	Sancte Jacobe,	ora.
Sancta Maria, ora pro nobis.	Sancte Philippe,	ora.
Sancta Dei Génitrix, ora.	Sancte Bartholomae,	ora.
Sancta Virgo virginum, ora.	Sancte Matthae,	ora.
Sancte Michaël, ora.	Sancte Simon,	ora.
Sancte Gabriel, ora.	Sancte Thaddae,	ora.
Sancte Raphaël, ora.	Sancte Mathia,	ora.
Omnes sancti Angeli, et Archangeli, oráte.	Sancte Bárnaba,	ora.
Omnes sancti beatorum Spirituum ordines, oráte.	Sancte Luca,	ora.
Sancte Joannes Baptista, ora.	Sancte Marce,	ora.
	Omnes sancti Apostoli, et Evangelistae,	oráte.

Omnes sancti Discipuli Domini, oráte.	Ab omni malo, libera nos Domine.
Omnes sancti Innocentes, oráte.	Ab omni peccato, libera.
Sancte Stéphane, ora.	Ab ira tua, libera.
Sancte Laurénti, ora.	A subitanea et improvisa morte, libera.
Sancte Vincénti, ora.	Ab insidiis diaboli, libera.
Sancti Fabiáne et Sebastiáne, oráte.	Ab ira, et odio, et omni mala voluntate, libera.
Sancti Joánnes et Paule, oráte.	A spiritu fornicationis, libera.
Sancti Cosma et Damiáne, oráte.	A fulgure et tempestate, libera.
Sancti Gervási et Protási, oráte.	A flagello terramotus, libera.
Omnes sancti Mártires, oráte.	A peste, fame, et bello, libera.
Sancte Silvéster, ora.	A morte perpetua, libera.
Sancte Gregóri, ora.	Per mysterium sanctae incarnationis tuae, libera.
Sancte Ambrósi, ora.	Per adventum tuum, libera.
Sancte Augustíne, ora.	Per nativitatem tuam, libera.
Sancte Hierónyme, ora.	Per baptismum et sanctum jejunium tuum, libera.
Sancte Martíne, ora.	Per crucem et passionem tuam, libera.
Sancte Nicoláe, ora.	Per mortem et sepulturam tuam, libera.
Omnes sancti Pontifices et Confessores, oráte.	Per sanctam resurrectionem tuam, libera.
Omnes sancti Doctores, oráte.	Per admirabilem ascensionem tuam, libera.
Sancte Antóni, ora.	Per adventum Spiritus sancti Patracliti, libera.
Sancte Benedicte, ora.	In die iudicii, libera.
Sancte Bernárde, ora.	Peccatores, te rogamus audi nos.
Sancte Domínice, ora.	Ut nobis parcas, te rog.
Sancte Francisce, ora.	Ut nobis indulgeas, te rog.
Omnes sancti Sacerdotes et Levitae, oráte.	Ut ad veram poenitentiam nos perducere digneris, te rog.
Omnes sancti Mónachi, et Eremitae, oráte.	Ut Ecclesiam tuam sanctam regere, et conservare digneris, te rog.
Sancta María Magdaléna, ora.	Ut Domnum apostolicum, et omnes ecclesiasticos ordines in sancta religione conservare digneris, te rog.
Sancta Agatha, ora.	Ut inimicos sanctae Ecclesiae humiliare digneris, te rog.
Sancta Lúcia, ora.	
Sancta Agnes, ora.	
Sancta Caeclia, ora.	
Sancta Catharina, ora.	
Sancta Anastasia, ora.	
Omnes sanctae Virgines et Viduae, oráte.	
Omnes Sancti et Sanctae Dei, intercedite pro nobis.	
Propitius esto, parce nobis Domine.	
Propitius esto, exaudi nos Dñe.	

Ut Régibus et Principibus christiánis pacem et veram concórdiam donáre dignéris, te rog.

Ut cuncto pópulo christiáno pacem et unitátem largíri dignéris, te rog.

Ut nosmetípsos in tuo sancto servítio confortáre, et conserváre dignéris, te rog.

Ut mentes nostras ad coeléstia desidéria érigas, te rog.

Hic datur benedictio, sanctificatio, et consecratio per Pontificem rebus consecrandis, ut infra in locis propriis dicetur.

Ut nos exaudíre dignéris, te rogámus audi nos.

Fili Dei, te rogámus audi nos.

Agnus Dei, qui tollis peccáta mundi, parce nobis Dómine.

Agnus Dei, qui tollis peccáta mundi, exaúdi nos Dómine.

Postquam autem dictum fuerit in Litanis:

Ut ómnibus fidélibus defúntis, etc.

R. Te rogámus audi nos.

Surgit Pontifex cum mitra ab accubitu, et se ad Ordinandos vertens, et baculum pastorem in sinistra manu tenens, Ordinandis prostratis manentibus dicit:

Ut hos eléctos bene ✠ dícere dignéris.

R. Te rogámus audi nos.

Secundo dicit:

Ut hos eléctos bene ✠ dícere, et sancti ✠ ficáre dignéris.

R. Te rogámus audi nos.

Tertio dicit:

Ut hos eléctos bene ✠ dícere, et sancti ✠ ficáre, et conse ✠ cráre dignéris.

R. Te rogámus audi nos.

Tum iterum super faldistorium procumbit, schola perficiente Litanias: Ut nos exaudíre dignéris, usque ad finem. Quibus finitis, Pontifex surgens cum mitra sedet super faldistorium ante medium altaris, et Archidiaconus dicit alta voce:

Recédant in partem, qui ordinándi sunt Diáconi et Presbýteri.

Quibus ad aliquem locum idoneum, unde Pontificem celebrantem videre possint, transeuntibus, ad ordinationem Subdiaconorum proceditur. Illis itaque coram Pontifice, per ordinem, in modum coronæ, genuflexis, Pontifex admonet eos, dicens:

Ut ómnibus benefactoribus nostris sempitérna bona retribuas, te rog.

Ut ánimas nostras, fratrum, propinquórum, et benefactorum nostrórum ab æténa damnatióne erípias, te rog.

Ut fructus terræ dare et conserváre dignéris, te rog.

Ut ómnibus fidélibus defúntis réquiem æténam donáre dignéris, te rog.

Agnus Dei, qui tollis peccáta mundi, miserére nobis.

Christe audi nos.

Christe exaúdi nos.

Kýrie eléison.

Christe eléison.

Kýrie eléison.

Adeptúri, filii dilectíssimi, officium Subdiaconátus, sédulo attendite quale ministérium vobis tráditur: Subdiáconum enim opórtet aquam ad ministérium altáris præparáre; Diácono ministráre; pallas altáris, et corporália ablúere; Cálicem, et Paténam in usum sacrificii eidem offérre. Oblatiónes quæ véniunt in altáre, panes propositionis vocántur. De ipsis oblatiönibus tantum debet in altáre poni, quantum pópulo possit sufficere, ne áliquid pútridum in sacrário remáneat. Pallæ, quæ sunt in substratório altáris, in álio vase debent lavári, et in álio corporáles pallæ. Ubi autem corporáles pallæ lotæ fúerint, nullum áliud linteámen debet lavári, ipsaque lotiönis aqua in baptistérium debet vergi. Studéte itaque, ut ista visibília ministéria quæ díximus, nítide et diligentíssime complétes, invisibília horum exémplo perficiátis. Altáre quidem sanctæ Ecclesiæ ipse est Christus, teste Joánné, qui in Apocalýpsi sua altáre áureum se vidísse pérhibet: stans ante thronum, in quo, et per quem, oblatiões fidélium Deo Patri consecrántur. Cujus altáris pallæ et corporália sunt membra Christi, scilicet fidéles Dei, quibus Dóminus, quasi vestiméntis pretiósus circúmdatur, ut ait Psalmísta: Dóminus regnávít, decórem indútus est. Beátus quoque Joánnes in Apocalýpsi vidit Fílium hóminis præcínctum zona áurea, id est, sanctórum catérva. Si itaque humana fragilitáte contíngat in áliquo fidéles maculári, præbenda est a vobis aqua coeléstis doctrínæ, qua purificáti, ad ornáméntum altáris, et cultum divíni sacrificii rédeant. Estóte ergo tales, qui sacrificiis divinis, et Ecclesiæ Dei, hoc est, córpori Christi digne servíre valeátis, in vera et Cathólica fide fundáti; quóniam, ut ait Apóstolus: Omne quod non est ex fide, peccátum est, schismáticum est, et extra unitátem Ecclesiæ est. Et ideo, si usque nunc fuístis tardi ad Ecclesiám, ámodo debétis esse assídui. Si usque nunc somnolénti, ámodo vígiles. Si usque nunc ebriósi, ámodo sóbrii. Si usque nunc inhonésti, ámodo casti. Quod ipse vobis præstáre dignétur, qui vivit, et regnat Deus in sæcula sæculórum. *R.* Amen.

Deinde Pontifex accipit, et tradit omnibus Calicem vacuum, cum Patena vacua superposita, quem successive manu dextera singuli tangunt, Pontifice dicente:

Vidéte cujus ministérium vobis tráditur; ideo vos admóneo, ut ita vos exhibeátis, ut Deo placére possítis.

Et Archidiaconus accipit, et tradit eis urceolos cum vino, et aqua, ac bacile cum manutergio, quæ omnia similiter tangere debent.

Postea surgit Pontifex, et versus ad populum stans cum mitra, dicit:

Oremus Deum, ac Dóminum nostrum, fratres caríssimi, ut super hos servos suos, quos ad Subdiaconátus officium vocáre dignátus est, infúndat bene ✠ dictionem suam, et grátiam; ut in conspéctu ejus fidéliter serviétes, prædestináta Sanctis præmia conse-

quántur, adjuvante Dómino nostro Jesu Christo, qui cum eo vivit, et regnat in unitate Spíritus sancti Deus, per ómnia sæcula sæculórum. *R.* Amen.

Tum deposita mitra, conversus ad altare Pontifex, dicit: *Orémus.*

Et ministri: *Flectámus génuá. R.* Leváte.

Et mox Pontifex versus ad ordinandos genuflexos, dicit sine mitra:

Dómine sancte, Pater omnipotens, ætérne Deus, bene ✠ dicere dignáre hos fámulos tuos, quos ad Subdiaconátus officium elígere dignátus es; ut eos in sacrário tuo sancto strénuos, sollicitósque cœlestis militiæ instítuas excubitóres, sanctísque altáribus tuis fideliter subministrent: et requiescat super eos Spíritus sapiéntiæ, et intelléctus; Spíritus consilii, et fortitúdinis; Spíritus sciéntiæ et pietátis; et répleas eos Spíritu timóris tui; et eos in ministério divíno confirmes, ut obediéntes facto, ac dicto paréntes, tuam grátiam consequántur. Per Dóminum nostrum Jesum Christum Fílium tuum: Qui tecum vivit, et regnat in unitate ejúsdem Spíritus sancti Deus, per ómnia sæcula sæculórum. *R.* Amen.

Tum Pontifex sedens, accepta mitra, amictum qui in collo ordinandorum jacet, imponit super caput singulis, dicens:

Accipe amictum, per quem designátur castigátio vocis. In nómine Pa ✠ tris, et Fí ✠ lii, et Spíritus ✠ sancti. *R.* Amen.

Tum immittit manipulum in sinistrum brachium cuilibet, dicens:

Accipe manipulum, per quem designántur fructus bonórum óperum. In nómine Pa ✠ tris, et Fí ✠ lii, et Spíritus ✠ sancti. *R.* Amen.

Post hæc induit quemlibet tunica, et si tantum unica sit, immittit illam cuilibet solum usque ad scapulas, ac retrahens, postremum totaliter induit, dicens cuilibet:

Túnica jucunditátis, et indumento lætitiæ induat te Dóminus. In nómine Pa ✠ tris, et Fí ✠ lii, et Spíritus ✠ sancti. *R.* Amen.

Postea accipit, et tradit omnibus librum Epistolarum, manu dextera ipsum simul tangentibus, dicens:

Accípите librum Epistolárum, et habéte potestátem legéndi eas in Ecclésia sancta Dei, tam pro vivis, quam pro defunctis. In nómine Pa ✠ tris, et Fí ✠ lii, et Spíritus ✠ sancti. *R.* Amen.

Omnibus expeditis, suggerente Archidiacono, ordinati redeunt ad loca sua; unus tamen de noviter ordinatis, tunica indutus, dicit Epistolam suo tempore.

DE ORDINATIONE DIACONI.

Subdiaconis ordinatis, Pontifex, reassumpta mitra, accedit ad sedem suam, vel ad faldistorium, in cornu Epistolæ, ubi sedens cum mitra, oblato sibi libro et candela, legit Hymnum. *Benedictus es, vel Allelúja, cum Versu Benedictus es, si sit infra Octavam Pentecostes.* Interim cantatur a choro dictus Hymnus, vel Allelúja, cum suo Versu ut supra. Quo finito, surgit Pontifex deposita mitra, et versus ad altare, dicit in competenti tono *Glória in excelsis Deo, si sit infra Octavam Pentecostes, quod dum a choro perficitur, sedet cum mitra.* Quo finito, deposita mitra, surgit, et versus ad populum, dicit: *Pax vobis, vel Dóminus vobíscum, si Glória in excelsis non sit dicendum, et conversus ad altare cantat orationem Missæ diei, cum oratione pro ordinatis, et ordinandis, sub uno Per Dóminum nostrum, videlicet:*

Oratio.

Exáudi, quæsumus Dómine, súpplicum preces, et devóto tibi pectore famulantes perpétua defensione custódi; ut nullis perturbatióibus impediti, liberam servitútem tuis semper exhibeamus officiis. Per Dóminum nostrum Jesum Christum Fílium tuum: Qui tecum vivit, et regnat, etc.

Finita Oratione, sedet Pontifex, reassumpta mitra, et oblato sibi libro et candela, legit Epistolam. Interim per unum ex Subdiaconis noviter ordinatis cantatur Epistola. Qua finita, surgit Pontifex, et accedit ad faldistorium ante altare cum mitra, et ibi sedet. Promovendi vero ad Ordinem Diaconatus per Archidiaconum vocantur, dicendo:

Accédant, qui ordinándi sunt ad Diaconátum.

Et mox singulatim nominantur per Notarium, nulla tamen facta mentione de titulo. Eis igitur amictu, alba, cingulo, et manipulo paratis, ac stolam in sinistra manu, et candelam in dextera, ac dalmaticam super brachium sinistrum tenentibus, et in modum coronæ coram Pontifice genuflexis, Archidiaconus offerens illos Pontifici, dicit:

Reuerendissime Pater, póstulat sancta mater Ecclésia cathólica, ut hos præséntes Subdiáconos ad onus Diacónii ordinétis.

Pontifex interrogat, dicens: *Scis illos dignos esse?*

Respondet Archidiaconus:

Quantum humana fragilitas nosse sinit, et scio, et testificor ipsos dignos esse ad hujus onus officii.

Et Pontifex dicit: *Deo grátias.*

Et ad eorum ordinationem procedit. In primis Pontifex cum mitra sedens, clero, et populo annuntiat, dicens:

Auxiliante Dómino Deo, et Salvatóre nostro Jesu Christo, eligimus hos præséntes Subdiáconos in órđinem Diacónii. Si quis habet aliquid contra illos, pro Deo, et propter Deum cum fiducia exeat, et dicat; verúmtamen memor sit conditionis suæ.

Et facta aliquali mora, Pontifex convertens sermonem suum ad ordinandos, admonet eos, dicens:

Provehéndi, filii dilectíssimi, ad Levíticum órđinem, cogítate magnópere, ad quantum gradum Ecclésiæ ascénditis. Diácono

num enim oportet ministrare ad altare, baptizare, et predicare. Sanè in veteri lege ex duodecim una Tribus Levi electa est, quæ speciali devotione tabernaculo Dei, ejusque sacrificiis, ritu perpetuo deserviret. Tantaque dignitas ipsi concessa est, quod nullus, nisi ex ejus stirpe, ad divinum illum cultum, atque officium ministraturus assurgeret: adeo, ut grandi quodam privilegio hereditatis, et Tribus Domini esse mereretur, et dici: quorum hodie, filii dilectissimi, et nomen et officium tenetis, quia in ministerium tabernaculi testimonii, id est, Ecclesie Dei, eligimini in Levitico officio, quæ semper in procinctu posita, incessabili pugna contra inimicos dimicat, unde ait Apostolus: Non est nobis colluctatio adversus carnem, et sanguinem, sed adversus principes, et potestates, adversus mundi rectores tenebrarum harum, contra spiritualia nequitiæ, in cælestibus. Quam Ecclesiam Dei, veluti tabernaculum, portare, et munire debetis ornatu sancto, predicatu divino, exemplo perfecto. Levi quippe interpretatur additus, sive assumptus. Et vos, filii dilectissimi, qui ab hereditate paterna nomen accipitis, estote assumpti a carnalibus desideriis, a terrenis concupiscentiis, quæ militant adversus animam; estote nitidi, mundi, puri, casti, sicut decet ministros Christi, et dispensatores mysteriorum Dei; ut digne addamini ad numerum ecclesiastici gradus; ut hereditas, et Tribus amabilis Domini esse mereamini. Et quia comministri, et cooperatores estis corporis et sanguinis Domini, estote ab omni illecebra carnis alieni, sicut ait Scriptura: Mundamini, qui fertis vasa Domini. Cogitate beatum Stephanum, merito precipuæ castitatis, ab Apostolis ad officium istud electum. Curate, ut, quibus Evangelium ore annuntiat, vivis operibus exponatis, ut de vobis dicatur: Beati pedes evangelizantium pacem, evangelizantium bona. Habete pedes vestros calceatos Sanctorum exemplis, in preparatione Evangelii pacis. Quod vobis Dominus concedat per gratiam suam.

R. Amen.

Deinde, si non sint ordinati Subdiaconi, ordinandi omnes prosternunt se, ubi genuflectebant, et Pontifice ante faldistorium suum genuflectente, dicuntur Litanie, et ordinandi per Pontificem benedicuntur, prout supra pag. 18. in ordinatione Subdiaconi dictum est. Post hæc ordinandis ab accubitu surgentibus, genuflexis tamen manentibus, Pontifex sedens in faldistorio cum mitra, intelligibili voce alloquitur clerum, et populum, dicens:

Commune votum, communis oratio prosequatur, ut hi totius Ecclesie prece, qui ad Diaconatus ministerium preparantur, Levitice bene dictionis ordine clarescant, et spirituali conversatione præfulgentes, gratia sanctificationis eluceant; præstante Domino nostro Jesu Christo: qui cum Patre, et Spiritu sancto vivit et regnat Deus in sæcula sæculorum.

R. Amen.

Deinde surgens cum mitra Pontifex, stans versus ad Ordinandos dicit, alta voce legendo:

Orémus, fratres carissimi, Deum Patrem omnipotentem, ut super hos famulos suos, quos ad officium Diaconatus dignatur assumere, benedictionis suæ gratiam clementer effundat, eisque consecrationis indultæ propitius dona conservet, et preces nostras clementer exaudiat, ut quæ nostro gerenda sunt ministerio, suo benignus prosequatur auxilio; et, quos sacris mysteriis exsequendis pro nostra intelligentia credimus offerendos, sua bene dictione sanctificet, et confirmet. Per unigenitum Filium suum Dominum nostrum Jesum Christum, qui cum eo, et Spiritu sancto vivit, et regnat Deus:

Deinde, deposita mitra, extensis manibus ante pectus, dicit:

Per omnia sæcula sæculorum. R. Amen.

V. Dominus vobiscum. R. Et cum spiritu tuo.

V. Sursum corda. R. Habemus ad Dominum.

V. Grátias agamus Domino Deo nostro.

R. Dignum et justum est.

Vere dignum et justum est, æquum et salutare, nos tibi semper et ubique grátias agere: Domine sancte, Pater omnipotens, æternæ Deus, honorum dator, ordinumque distributor, atque officiorum dispositor, qui in te manens innovas omnia, et cuncta disponis per verbum, virtutem, sapientiamque tuam, Jesum Christum Filium tuum Dominum nostrum, sempiterna providentia præparas, et singulis quibusque temporibus aptanda dispensas. Cujus corpus, Ecclesiam videlicet tuam, cælestium gratiarum varietate distinctam, suorumque connexam distinctione membrorum, per legem mirabilem totius compaginis unitam, in augmentum templi tui crescere, dilatarique largiris: sacri muneris servitutem trinis gradibus ministrorum nomini tuo militare constituens; electis ab initio Levi filiis, qui in mysticis operationibus domus tuæ fidelibus excubiis permanentes, hereditatem benedictionis æternæ sorte perpetua possident. Super hos quoque famulos tuos, quæsumus Domine placatus intende, quos tuis sacris altaribus servituros in officium Diaconatus suppliciter dedicamus. Et nos quidem tamquam homines, divini sensus et summæ rationis ignari, horum vitam, quantum possumus, æstimamus. Te autem Domine, quæ nobis sunt ignota non trans-eunt, te occulta non fallunt. Tu cognitor es secretorum: tu scrutator es cordium. Tu horum vitam cælesti poteris examinare iudicio, quo semper prævalet, et admissa purgare et ea, quæ sunt agenda, concedere.

Hic solus Pontifex manum dexteram extendens, ponit super caput cuilibet ordinando; et nullus alius, quia non ad Sacerdotium, sed ad ministerium consecrantur, dicens singulis:

Accipe Spíritum sanctum, ad robur, et ad resisténdum diabolo, et tentatióibus ejus. In nómine Dómini.

Postea prosequitur in primo tono, extensam tenens manum dexteram, usque in finem Præfationis.

Emitte in eos, quæsumus Dómine, Spíritum sanctum, quo in opus ministérii tui fidéliter exsequénda septifórmis grátia tuæ múnere roboréntur. Abúndet in eis totiús forma virtútis, auctóritas modésta, pudor constans, innocétiæ puritas, et spirituális observántia disciplinæ. In móribus eórum præcépta tua fúlgeant; ut suæ castitátis exémplo imitatióem sanctam plebs acquirat: et bonum consciétiæ testimónium præferéntes, in Christo firmi et stábiles perseverént; dignisque succéssibus de inferióri gradu per grátiam tuam cápere potióra mereántur.

Quod sequitur, dicit submissa voce legendo, ita tamen quod a circumstantibus possit audiri.

Per eúdem Dóminum nostrum Jesum Christum Fílium tuum: Qui tecum vivit, et regnat in unitáte ejúsdem Spíritus sancti Deus, per ómnia sæcula sæculórum. **R.** Amen.

Post hæc Pontifex sedens cum mitra cuilibet ordinando ante se genuflexo, stolam, quam singuli in manu habent, imponit, successive super humerum sinistrum, dicens singulis:

Accipe stolam ✠ cándidam de manu Dei, adimple ministérium tuum: potens enim est Deus, ut aúgeat tibi grátiam suam: Qui vivit, et regnat in sæcula sæculórum. **R.** Amen.

Faciens supra quemlibet eorum signum crucis; et ministri reflectent capita stolæ, et alligent sub brachio dextro.

Post hæc Pontifex accipiens dalmaticam, induit ea quemlibet successive, usque ad humeros, et sic fit usque ad ultimum, quem ea totaliter induit; et hoc, si una tantum sit dalmatica. Si vero quilibet suam habet, tunc singulos sua totaliter induit, dicens cuilibet:

Induat te Dóminus induménto salutis, et vestiménto lætitiæ, et dalmática justitiæ circúmdet te semper. In nómine Dómini.

R. Amen.

Postremo Pontifex accipit, et tradit omnibus librum Evangeliorum, quem manu dextera tangunt, dicens:

Accipe potestátem legénda Evangelium in Ecclésia Dei, tam pro vivis, quam pro defúctis. In nómine Dómini. **R.** Amen.

Quo facto, Pontifex stans ad altare conversus dicit, sine mitra: Orémus.

Et ministri: Flectámus génua. R. Leváte.

Et vertens se ad ordinatos, dicit:

Exáudi, Dómine, preces nostras, et super hos fámulos tuos Spíritum tuæ bene ✠ dictionis emítte: ut cœlesti múnere ditáti, et tuæ majestátis grátiam possint acquirere, et bene vivénda áliis

exémpulum præbere. Per Dóminum nostrum Jesum Christum Fílium tuum: Qui tecum vivit, et regnat in unitáte ejúsdem Spíritus sancti Deus, per ómnia sæcula sæculórum. **R.** Amen.

Orémus.

Dómine sancte, Pater fidei, spei, et grátia, et proféctuum remunerátor, qui in cœlestibus, et terrénis Angelórum ministériis ubique dispósitis, per ómnia elementa voluntátis tuæ diffúndis efféctum, hos quoque fámulos tuos spirituáli dignare illustrare afféctum; ut tuis obséquiiis expediti, sanctis altáribus tuis ministri puri accréscent; et indulgéntia tua puriões, eórum gradu, quos Apóstoli tui in septenárium númerum, beáto Stéphanó duce ac prævio, Spíritus sancto auctóre, elegérunt, digni exsistant; et virtútibus universis, quibus tibi servíre opórtet instructi, tibi compláceant. Per Dóminum nostrum Jesum Christum Fílium tuum: Qui tecum vivit, et regnat in unitáte ejúsdem Spíritus sancti Deus, per ómnia sæcula sæculórum. **R.** Amen.

Deinde, cum tempus fuerit, aliquis de noviter ordinatis dalmatica indutus Evangelium dicit: Ordinati autem statim, suggerente Archidiacono, redeunt ad loca sua.

DE ORDINATIONE PRESBYTERI.

Pro ordinatione Presbyterorum parentur oleum catechumenorum; Calix cum vino, et aqua; Patena, et Hostia desuper posita; medulla panis, et bacile cum buccali pro manibus abluendis, quas singuli ad suas mappulas extergunt.

Diaconis ordinatis, Pontifex ad sedendum in sede sua, vel in faldistorio in plano juxta cornu Epistolæ accedit, et cantatur Tractus, usque ad ultimum Versum exclusive; quod si sit infra Octavam Pentecostes, Tractus, et Sequentia, usque ad ultimum Versum exclusive. Interim accedunt duo Capellani cum libro, et candela ante Pontificem, qui ex eo legit ipsum Tractum, et Sequentiam, usque ad ultimum Versum exclusive. Deinde Pontifex cum mitra revertitur ante altare, ubi sedet super faldistorium.

Tunc Archidiaconus vocat ordinandos voce intelligibili dicens: **Accédant qui ordinándi sunt ad órđinem Presbyterátus.**

Et mox nominatim leguntur per Notarium, prout supra dictum est, nulla tamen de titulo facta mentione. Tunc illi more Diaconorum parati, amictu, alba, cingulo, stola, et manipulo, tenentes planetas super brachium sinistrum complicatas, et in manu dextera candelas ac mappulas albas pro ligandis et lavandis manibus, ad Pontificem accedunt, et coram eo in modum coronæ se disponunt.

Tunc Archidiaconus præsentat ordinandos Pontifici, dicens:

Reuerendíssime Pater, póstulat sancta mater Ecclésia cathólica, ut hos præséntes Diáconos ad onus Presbyterií ordinétis.

Et Pontifex interrogat, dicens: Scis illos esse dignos?

Respondet Archidiaconus:

Quantum humana fragilitas nosse sinit, et scio, et testifcor ipsos dignos esse ad hujus onus officii.

Pontifex dicit: Deo grátias.